

Ֆելիքս Մովսիսյան

XIX դարի ՋՄՅՈՒՆԱՀԱՅ ՄԱՍՈՆՈՒԹՅՈՒՆԸ

Քանալի քառեր. մասոնություն, Ջնյուռնիա, «Հոմեր», «Տիգրան», օթյակ, բարեփոխում, թանգիմաթ, ազգային գործիչներ, հրապարակախոսներ, մտավորականներ, վաճառականներ:

Օսմանյան կայսրությունում ապրող հայության առաջին առնչությունները մասոնության հետ բավական վաղեմի պատմություն ունեն և վերաբերում են 18-րդ դարի առաջին կեսին: 1738 թ. մայիսին Կ. Պոլսից ստացված մի նամակի հիման վրա Լոնդոնում լույս տեսնող «St. Jame's Evening Post» թերթը գրում է, որ առաջին մասոնական օթյակները, մինչև Կ. Պոլսում ստեղծվելը, միմյանց հաջորդելով հիմնվել են Ջնյուռնիայում և Հալեպում¹: 18-րդ դարի առաջին կեսում Օսմանյան կայսրությունում հայերի և հույների շրջանում մասոնության տարածման մասին տեղեկություն է տալիս նաև ֆրանսիացի հոգևորական Անթուան Ռաբբան՝ Արևելքում քրիստոնեության պատմության վերաբերյալ իր աշխատությունում²: Նա գրում է, որ 1748 թ. փետրվարի 3-ին Կ. Պոլսում անգլիայի մի քանի վաճառականներ մասոնական օթյակ ստեղծեցին, որի հավաքատեղին Բերայում գտնվող անգլիական դեսպանատան թարգմանի տունն էր³: Տեղեկանալով այդ մասին՝ Հռոմի պապ Բենեդիկտոս XIV-ը (1675-1758) հրահանգեց Կարկենդոնի արքեպիսկոպոսին՝ Ֆրանսիայի դեսպան Ռուան դը Ալլեորիի միջոցով արգելել ազատ որմնադիրների հավաքությունները: Չցանկանալով Թուրքիայի հետ հարաբերությունները բարդացնել՝ դեսպանը մասոնություն տարածող դը՝ Պալոնին առաջարկեց անմիջապես լքել Կ. Պոլսը: Միաժամանակ նա Ջնյուռնիայում ֆրանսիական հյուպատոս Շառլ-Քլոտ դ'Բեյսոնելիին հրահանգեց՝ արգելել ֆրանսիացի վաճառականներին մասնակցել տեղի օթյակի հավաքություններին: Դեսպանի համոզմամբ՝ ծայր աստիճան «սնահավատ, վախկոտ և դյուրահավան» թուրքերն իրականում անհանգստացած են, որ մասոններն «իրենց կախարդական հնարքներով կրնան Սուլթանը գահընկեց անել»⁴: Ֆրանսիայի ծովային նախարար մասոն ժան Ֆրեդերիկ Մորեպան (1701-1781) դեսպան դ' Ալլեորին 1748թ. մայիսի 28-ին հղած նամակում հավանություն տվեց նրա գործողություններին: Նա գտնում էր, որ Թուրքիայի նման երկրում ազատ որմնադիրների գաղափարները տարածելը դեռևս վաղաժամ է, որտեղ ոչ միայն «այս կարգի նորությունները», այլև նույնիսկ եվրոպացի մասոնների գործունեությունն է դիտարկվում որպես վտանգ «երկրի ներքին անդորրության համար»⁵:

Կ. Պոլսի այս օթյակի վավերական լինելը կասկածի տակ է դնում արևմտահայ բարձրաստիճան մասոն Արմենակ Ֆեներձյանը⁶: Ըստ նրա՝ Կ. Պոլսի օթյակը կանոնավոր չի եղել, քանի որ խոսքը գնում է անգլիական օթյակում ֆրանսիացի մասոն դ'Պալոնի գործունեության մասին: Նրա կարծիքով՝ մինչև 1856թ. Թուրքիայում «որևէ կանոնա-

Հոդվածը ներկայացվել է 12.03.2019 թ., գրախոսվել է 16.05.2019 թ., ընդունվել է տպագրության 12.06.2019 թ.:

¹ Տե՛ս Պէլլէրեան Ա., Ազատ որմնադրութեան մուտքը Օսմանյան կայսրութիւն եւ Պոլսոյ Հայկական «Սեր» օթյակը ժժ դարուն, «Հայկազեան հայագիտական հանդես», Պէյրուք, 2001, էջ 144:

² Տե՛ս Rabbath Antoine, Documents inédits concernant l'histoire du christianisme en Orient (XVI-XIX s.), Vol. I, Paris, 1905.

³ Տե՛ս նույն տեղում, էջ 134-136:

⁴ Պէրպէրեան Հ., Առաջին ազատ-որմնադիրները Պոլսոյ եւ Ջնյուռնիոյ մէջ, «Կեանք եւ Արուեստ», Փարիզ, 1936, փետրվար, թիվ 2, էջ 41-43, Պէլլէրեան Ա., նշվ. աշխ., էջ 144-145:

⁵ Պէրպէրեան Հ., նշվ. աշխ., էջ 43:

⁶ Ա. Ֆեներձյանը Կ. Պոլսում գործող «La Turguie» (Թուրքիա) թիվ 1049 ֆրանսախոս օթյակի քարտուղարն էր և 1918 թ. դեկտեմբերի 4-ին հիմնված հայկական «Հայաստան» թիվ 1185 օթյակի հիմնադիրներից մեկը: Նա այս օթյակի քարտուղարն էր, իսկ ավելի ուշ՝ Գերհարգելի Վարպետը: Տե՛ս «Կեանք եւ Արուեստ», Փարիզ, 1935, էջ 80, «Հայրենիք», Բոստոն, 1955, սեպտեմբեր, թիվ 9, էջ 94-98:

ւոր Ազատ Ռոմնադրական Օթյակ գոյութիւն չէ ունեցած»¹: Ա. Ռաբբայի աշխատութիւնում խոսվում է 18-րդ դարի առաջին կեսում Կ. Պոլսում, Ջնյունիայում և Հալեպում եվրոպացիների կողմից հիմնված ազատ ռոմնադիրների օթյակների մասին, որը չի նշանակում, թէ կանոնավոր մասնութիւնը Օսմանյան կայսրութեան քրիստոնյաների շրջանում տարածում գտավ հատկապէս այդ ժամանակաշրջանում: Ղա տեղի ունեցավ մի փոքր ուշ՝ 18-րդ դարի երկրորդ կեսում, երբ Ջնյունիայում եվրոպացի մասնները հիմնեցին նոր օթյակներ, որոնք համեմատաբար ավելի երկար գործեցին: 1786թ. Կ. Պոլսում ստեղծվեցին «Saint Jean» («Սուրբ Հովհաննէս»), իսկ Ջնյունիայում «La Viatoire» («Հաղթանակ») ֆրանսախոս օթյակները, որոնք գործում էին ժնկի «Մեծ Օթյակի» հովանու ներքո: Թուրքական աղբյուրների վկայությամբ՝ 1760-ական թթ. Լեհաստանի «Մեծ օթյակի» արտոնագրով ստեղծվել էր «L' Aurore de Zarograd» օթյակը: 1778թ. Ջնյունիայում Մարսելի «Մեծ օթյակը» հիմնել է «Les Nations Reunies» (Միացյալ ազգեր) ֆրանսախոս օթյակը: Այս օթյակի արխիվը վկայում է, որ 1819 թ. այն ունեցել է մոտ 150 անդամ, հիմնականում ֆրանսիացիներ, անգլիացիներ, ամերիկացիներ, ավստրիացիներ, իտալացիներ և ռուսներ, բայց ոչ մի օսմանցի²: Մասնութիւնը Օսմանյան կայսրութեան քրիստոնյաների, այդ թվում՝ զմյունահայութեան շրջանում, հիմնականում տարածում գտավ 1850-ական թվականներին, չնայած դրա համար նախադրյալներ էին ստեղծվել ավելի վաղ: Ղրա սկիզբը դրեց 1839 թ. դեկտեմբերի 3-ին սուլթան Աբդուլ Մեջիդի (1823-1861) հռչակած Գյուլիհանէի Հաթթը-շերիֆը³, որի նախաձեռնողը եվրոպական կրթութիւն ստացած, բրիտանական խորհրդարանական կարգերի կողմնակից, Թուրքիայի արտաքին գործերի նախարար, «երիտասարդ թուրքերի ռահվիրա»⁴ մասն Մուստաֆա Ռեշիդ փաշան էր (1800-1858)⁵: Ղրանով Թուրքիայում սկիզբ դրվեց բարեփոխումների կամ Թանզիմաթի դարաշրջանին⁶:

1840-ական թվականներին Թանզիմաթի հեռանկարներից ոգևորված «Իզմիրի հայոց մէջ կսկսի նոր շարժում մը», որի մասնակիցները «կխառնվին այն ընդհանուր հոսանքին, որ բոլոր Թուրքիոյ մէջ կսկսի»⁷: Այդ համընդհանուր շարժման մեջ ընդգրկված զմյունահայ երիտասարդների կատարյալ հոսք սկսվեց դեպի Ֆրանսիա՝ համալսարանական կրթութիւն ստանալու և վաճառականութեամբ զբաղվելու նպատակով: 19-րդ դարի առաջին կեսում Ջնյունիան «իբրև միջնորդ կարևոր դեր էր խաղում եվրոպական երկրների հետ առևտրի հարցում մինչ Սուեզի ջրանցքի բացումը»⁸: Լոնդոնի, Մանչեստրի «հայ վաճառականաց գաղութը կազմուած էր Կ. Պոլսի և Ջնյունիայի հայերից»⁹: Եվրոպայում կրթութիւն ստացած և վաճառականութեամբ զբաղված զմյունահայ մի խումբ երիտասարդներ լուսավորութեան, առաջադիմութեան և քաղաքական բարեփոխումների անհրաժեշտութեան գաղափարների ազդեցութեան տակ իրենց նվիրեցին ազգային միասնութեան, համերաշխութեան և եղբայրական փոխօգնութեան գործին: Այդ երիտասարդները ժողովրդին «հոգածութեան եւ զոհողութեան հոգի կը ներշնչէին, եւ անոնց հովանաւորութիւնը իրենց աշխատութեանց միացնելով օգտակար հաստատութեանց նախաձեռնարկներ կըլլային»¹⁰:

¹ Ֆեներձեան Ա., Ազատ-ռոմնադրութիւնը մօտաւոր Արեւելքի մէջ, «Կեանք եւ Արուեստ», 1936, հոկտեմբեր, թիվ 8, էջ 225:

² Տե՛ս Պէլլէրեան Ա., նշվ. աշխ., էջ 146, Jamgocyan O., նշվ. աշխ., էջ 53-54:

³ Տե՛ս Պէրպէրեան Ա., Պատմութիւն հայոց, Կ. Պոլիս, 1871, էջ 499:

⁴ Թոփչեան Ե., Երիտասարդ Թուրքիան և հայերը, Մասն առաջին, Թիֆլիս, 1909, էջ 232:

⁵ Տե՛ս Дулина Н. А. Танзимат и Мустафа Решид паша. М., 1984; Милер А. Ф. Мустафа паша Байрактар. М., 1947.

⁶ Տե՛ս Миллер А. Ф. Краткая история Турции, М., 1948, ст. 68-69; Шабанов Ф. Государственный строй и правовая система Турции в период Танзимата, Баку, 1967, ст. 42-50.

⁷ «Ընդարձակ օրացոյց Ս. Փրկչեան հիվանդանոցի հայոց», Կ. Պոլիս, 1910, էջ 205, 261:

⁸ Ալպօյաձեան Ա., Պատմութիւն հայ գաղթականութեան: Հայերու ցրումը աշխարհի զանազան մասերը. Հ. Գ., Նոր դարու սկզբէն մինչեւ ի դարու սկիզբը, Մաս Բ. Արեւմտեան գաղութները, Ե., 2017, էջ 85, 89-90:

⁹ Ալպօյաձեան Ա., նշվ. աշխ., էջ 92:

¹⁰ Օրմանյան Մ., Ազգապատում, Գ հատոր, մաս Ա., Պէյրութ, 1961, էջ 3880:

Շնորհիվ 1840-ական թվականների նոր մտածողության տեր երիտասարդ մտավորականների ու վաճառականության՝ «Իզմիր առաջին փորձը կրներ եվրոպական քաղաքակրթութեան մոտենալուն»¹: Նրանց գաղափարական ձևավորման վրա էական ազդեցություն թողեցին մասոնական օթյակների նախաձեռնած և գլխավորած 1848-1852 թթ. եվրոպական հեղափոխական, ազգային-ազատագրական պայքարը, ազգային միավորման և սահմանադրական շարժումները², որոնք ընթացան 18-րդ դարի ֆրանսիական մեծ հեղափոխության «ազատություն, հավասարություն, եղբայրություն» մասոնական կարգախոսով³:

Եվրոպայում տեղի ունեցած «հեղափոխական խմորումները» ի թիվս այլ ժողովուրդների «արձագանք գտան հայ ազգին մէջ»⁴: Դրանցից հատկապես «1848-ի ֆրանսիական հեղափոխությանն ենք պարտական մեր կեանքի յառաջադիմական երեւոյթներից շատերը»⁵, այդ թվում՝ մասոնական գաղափարախոսության տարածմանը և ազատ որմնադիրների օթյակների հիմնադրմանը: Մասոնությանն անդամագրված առաջին արևմտահայերը հիմնականում Եվրոպայում «իրապես կրթված, լուսավորության, առաջադիմության և ազատամտության գաղափարներով ոգևորված ու «ազգային ոգով ներշնչված»⁶ մի խումբ երիտասարդ մտավորականներ ու «եվրոպականացած» վաճառականներ էին: 1848 թ. Փարիզում կրթություն ստացած 25-30 հայ ուսանողները⁷ «գիտական, ազատական, հասարակական լեցուն պաշարով»⁸, վերադառնալով հայրենի Կ. Պոլիս և Ջնյուռնիա, 1850-1860-ական թվականներին դարձան արևմտահայ ազգային սահմանադրական շարժման հիմնական գործիչներն ու մասոնության տարածման գլխավոր դեմքերը: Այդ երիտասարդ մտավորականների ու վաճառականների մի մասը Եվրոպայում ուսանելու և առևտրական գործունեության իրականացնելու տարիներին բազմաթիվ շփումներ էին ունեցել եվրոպական մասոնների հետ, համալրել ազատ որմնադիրների օթյակների շարքերը:

Արևելյան (Ղրիմի) պատերազմի անմիջական ազդեցության տակ Օսմանյան կայսրությունում նոր բարենորոգումներ իրականացնելու ուղղությամբ պետական խոշոր գործիչ մասոն Մեհմեդ Ալի փաշայի (1815-1871) հեղինակած և 1856 թ. փետրվարի 18-ին սուլթան Աբդուլ Մեջիդի շնորհած «Հաթթը հյումայուն» հրովարտակի «մեծադորդ խոստումները վարդագույն հեռանկարներ էին բացում»⁹ արևմտահայության առաջ: 1856 թ. մարտի 30-ի Փարիզի հաշտության պայմանագրի 9-րդ հոդվածում ամրագրված «Թուրքիան եվրոպականացնելու» մեծ տերությունների հարկադրանքը¹⁰ և այդ կապակցությամբ սուլթանի ստանձնած պարտավորությունները «վառվռուն հույսեր էին ներշնչում»¹¹ արևմտահայությանը, որ «Հաթթը հյումայունը» կարող է կյանքի կոչվել: Փարիզի դաշնագրի և նոր հրովարտակի ընձեռած հնարավորություններից «ամէնից վաղ օգտվեցին հայերը», ովքեր սկսեցին ճանապարհ հարթել «իրենց ներքին ազգային, հասարակական և կրոնական գործերի համար»¹²: Քաջալերված դրանից՝ արևմտահայ

¹ Ալպոյաճեան Ա., Ջնյուռնիո տպարանները, «Պատմաբանասիրական հանդես», Ե., 1964, թիվ 2, էջ 79:

² Տե՛ս Бейл Ж., История республиканской партии во Франции с 1814 по 1870 гг., М., 1906, с. 57; История XIX века. Под ред. Лависса и Рамбо, т. 3, М., 1938, с. 349; Ридли Дж., Указ. соч., ст. 252-257, 264-265.

³ Տե՛ս Пименова Л. А., Идея свободы во французской революции XVIII века, «Новая и новейшая история», М., 1992, թիվ 1, ст. 72.

⁴ Ալպոյաճեան Ա., նշվ. աշխ., էջ 79:

⁵ Աճառեան Հ., Պատմութիւն Հայոց նոր գրականութեան, Պէրյուր, 1940, էջ 34:

⁶ Ալպոյաճեան Ա., նշվ. աշխ., էջ 78:

⁷ Տե՛ս «Արշալույս Արարատյան», 1848, 3 փետրվարի, թիվ 304:

⁸ «Հայրենիք», 1954, հոկտեմբեր, թիվ 10, էջ 92:

⁹ Թոփչեան Ե., նշվ. աշխ., էջ 240:

¹⁰ Տե՛ս Փափազյան Ա., Թուրքական վավերագրական նյութեր Օսմանյան կայսրության ոչ մահմեդական ժողովուրդների մասին (1839-1915 թվականների), Ե., 2002, էջ 27-35, Թումանեան Կ., Պատմութիւն Արևելեան խնդրոյ, Լոնտոն, 1905, էջ 613:

¹¹ Թոփչեան Ե., նշվ. աշխ., էջ 240:

¹² Սարուխան, Հայկական խնդիրն և ազգային սահմանադրութիւնը Թուրքիայում 1860-1910, Ա հատոր, Թիֆլիս, 1912, էջ 5:

մտավորականությունը սկսեց «ավելի խրոխտ քայլեր անել»¹, որը դրսևորվեց տարբեր ընկերություններ ստեղծելու և Կ. Պոլսում ու Ջնյուռնիայում գործող եվրոպական մասոնական օթյակներին անդամակցելու մեջ: Մասոնությանը հարելու արևմտահայության «բազմաթիվ հնայքներից» մեկն էլ 1859թ. ապրիլին սկսված իտալական ազգային, ազատագրական պայքարն էր, որը ժամանակի հայ պարբերական մամուլում մեծ արձագանք գտավ և ջերմ համակրության արժանացավ: Այն գլխավորում էին բարձրաստիճան մասոններ Պիեմոնտի թագավոր Վիտորիո Էմմանուիլ 2-րդը (1820-1878), վարչապետ կոմս Կամիլո Կավուրը² (1810-1861) և Ռիտորչիմենտոյի երևելի գործիչներ Ջուզեպպե Գարիբալդին³ ու Ջուզեպպե Մացցինին⁴: Արևմտահայ մտավորականներին հայտնի էր, որ Ջ. Գարիբալդին ազգային միավորման նպատակով իր համախոհներին կոչ է արել՝ «նախ միություն և համերաշխություն, այնուհետև ազատություն»⁵:

Առաջնորդվելով միության, համերաշխության և եղբայրության մասոնական կարգախոսով մի խումբ ազատ որմնադիրներ 1859 թ. նոյեմբերի 19-ին Ջնյուռնիայում հիմնեցին «Homer» («Հոմեր») թիվ 806 անգլախոս օթյակ: Օթյակի հիմնադիրներն անգլիացիներ էին, բացառությամբ Սերովբե Ազնավուրի և «Ֆրանսիայի Մեծ Արևելք» օթյակի անդամ երկու ֆրանսիացիների: Հիմնադրման պահին Ս. Ազնավուրն ընտրվեց «Հոմեր» օթյակի Մեծ Վերահսկիչ⁶, որը Շոտլանդական կանոնակարգում Վարպետից հետո օթյակի երկրորդ բարձր պաշտոնն էր⁷: Ջնյուռնիայի որոշ հայեր դիմեցին «Հոմեր» օթյակի առաջին Գերհարգելի Վարպետ Հայր Քլարքին՝ օթյակին անդամագրվելու խնդրանքով, որը բավարարվեց: Այս օթյակի առաջին հայ անդամներից էր հայտնի վաճառական Միքայել Երանյանը⁸: «Անգլիայի Մեծ Օթյակը» բավական արագ օրինականացրեց «Հոմեր» օթյակի կանոնավոր լինլը, որին արտոնագիր շնորհեց 1860 թ. հունվարի 25-ին: «Հոմեր» օթյակի բացման պաշտոնական արարողությունը տեղի ունեցավ 1860 թ. օգոստոսի 7-ին Մեջիդիե փողոցում գտնվող Անգլիական ակումբում, որը 1884 թ. տեղափոխվեց Ֆրանկների փողոց: Բացման արարողությունը գլխավորում էր Կ. Պոլսում Անգլիայի դեսպան Հենրի Բուլվեր Լիթոնը (1801-1872): Նա հայտնի մասոն էր, անգլիական «Hertford» («Հերթֆորդ») օթյակի անդամ⁹ և «համոզուած էր թէ ազատ-որմնադրութիւնը մեծ առաքելութիւն մը ունէր Մերձաւոր Արեւելքի մէջ»¹⁰:

1861 թ. մարտի 31-ին Հ. Բուլվեր Լիթոնը Ջնյուռնիայում հիմնեց ֆրանսախոս «La Victoire» («Հաղթանակ») թիվ 896 օթյակը, որի բոլոր հիմնադիրները «Հոմեր» թիվ 806 օթյակի անդամ էին: Նույն թվականի նոյեմբերի 9-ին նա հիմնեց քրիստոնյաներից ու մահմեդականներից բաղկացած նոր օթյակ, որը կրեց իր անունը: «Bulwer» («Բուլվեր»)

¹ Թոփչեան Ե., նշվ. աշխ., էջ 240:

² Տե՛ս Մորամարկո Մ., *Масонство в прошлом и настоящей*. Пер. с ит., М., 1990, с. 122; Ридли Дж., *Указ. соч.*, с. 289; Ланин П. *Тайные пружины истории*. «Молодая гвардия», М., 1991, թիվ 8, с. 252.

³ Ջուզեպպե Գարիբալդին (1807-1882) «Երիտասարդ Իտալիա» մասոնական գաղտնի ընկերության անդամ էր: 1844 թ. Մոնտեփիդեոյի «L' Asile de la Paeta» («Առաքինության ապաստան») և «Les Amis de la Patrie» («Հայրենիքի բարեկամներ») թիվ 50 օթյակների անդամ; Նա մասոնության մեջ ամենաբարձր՝ 33 աստիճանի ազատ որմնադիր էր, Պալերմոյի «Մեծ Արևելք» օթյակի Մեծ Վարպետ, իսկ 1881 թ.՝ Մեմֆիսի արարողակարգի Մեծ Վարպետ: Տե՛ս Մորամարկո Մ., *Указ. соч.*, с. 122, 278-279; Карпачев С. П. *Масоны*. Словарь. М., 2008, с. 123; Спаров В. *Полная история масонства в одной книге*. М., 2010, с. 187-189, Соловьев О.Ф. *Указ соч.* 76-77.

⁴ Ջուզեպպե Մացցինին (1805-1872) Եվրոպայում հայտնի բարձրապատիվ մասոն էր, 33-րդ աստիճանի ազատ որմնադիր: Նա «Երիտասարդ Իտալիա» օթյակի հիմնադիրն էր, բավարական իլումինարների փաստացի առաջնորդը 19-րդ դարում: Տե՛ս *Тайные общества в истории человечества, или кто правит миром*. Раствов-на-Дану, 2010, с. 139-140, Соловьев О. Ф. *Масонство далекое и близкое*. «Новая и новейшая история», М., 1992, թիվ 4, с. 76.

⁵ Невлер (Вилин) В. С. *Гарibaldi и его эпоха*. В кн: *Гарibaldi Дж. Мемуары*. Пер. с ит. М., 1966, с. 216.

⁶ Պէլլէրեան Ա., նշվ. աշխ., էջ 153, Jamgocyan O., նշվ. աշխ., էջ 65, «Հայրենիք», 1955, փետրվար, թիվ 2, էջ 79:

⁷ Տե՛ս Борзаковский Д. *Франк-масонство и тайные общества древняго и новаго мира*. М., 1900, с. 6-7.

⁸ Տե՛ս Jamgocyan O., նշվ. աշխ., էջ 65.

⁹ Տե՛ս Պէլլէրեան Ա., նշվ. աշխ., էջ 153, Jamgocyan O., նշվ. աշխ., էջ 57, 65.

¹⁰ Պէլլէրեան Ա., նշվ. աշխ., էջ 153:

թիվ 891 օթյակին անդամագրվեցին 16 մահմեդական և 11 հայ մասուններ, որոնցից Սերովբե Ազնավուրը դարձավ այս օթյակի Գերհարգելի Վարպետը¹: Հ. Բուլվեր-Լիթոնը սերտ համագործակցում էր Ս. Ազնավուրի հետ նոր օթյակների ստեղծման և մասունության գաղափարների տարածման ուղղությամբ: Անգլիայում բարձրագույն կրթություն ստացած և ազատ որմնադիր ձեռագրված Սերովբե Ազնավուրը 19-րդ դարի հայ մասունության պատմության ամենատեղի դեմքն էր: Նա ոչ միայն բարձրաստիճան մասուն էր, այլև Կ. Պոլսում և Ջնյուռնիայում «տիեզերական եղբայրության» մասունական գաղափարախոսության գլխավոր տարածողներից ու քարոզիչներից մեկը: Ս. Ազնավուրը Կ. Պոլսում գործող անգլախոս և ֆրանսախոս մասունական յոթ օթյակներից հինգի հիմնադիրներից էր², «Սեր» օթյակի առաջին Գերհարգելի Վարպետը: Ազատ որմնադիրների շրջանում մեծ հեղինակություն վայելող Ս. Ազնավուրը «Կարկառուն դեմք էր Պոլսոյ և Ջնյուռնիոյ մէջ»³: Նրա մասունական եռանդուն գործունեության շնորհիվ արևմտահայ երիտասարդության շրջանում ազատ որմնադիրների մի ամբողջ սերունդ ձևավորվեց: Նրանց թվում էին նաև իր գավակները՝ գործակատար Անտուան Ազնավուրը (1844-1867), ով մի քանի օթյակի անդամ էր և «Արևելքի Միություն» օթյակի վարպետ, և Կ. Պոլսում հայտնի ճարտարապետ Հովսեփ Ազնավուրը (1854-1936)⁴:

Ս. Ազնավուրի և Հ. Բուլվեր-Լիթոնի համագործակցությունը, գործադրած ջանքերն ու աջակցությունը նպաստեցին նաև «Հոմեր» օթյակի գործունեությանը: 1877թ. փետրվարի 15-ին Ջնյուռնիայում ծագած քաղաքական խռովության պատճառով «Հոմեր» օթյակը հարկադրված իր արտոնագիրը վերադարձրեց «Անգլիայի Մեծ Օթյակին», իսկ 1887թ. վերջնականապես դադարեցրեց գործելուց⁵:

«Հոմեր» և «Հաղթանակ» օթյակներից բացի 19-րդ դարում Ջնյուռնիայում գործել են նաև անգլախոս ևս երեք օթյակներ, որոնց գործունեության և երևելի անդամների մասին մեզ քիչ փաստեր են հասել: Ստույգ հայտնի է, որ բոլոր այդ օթյակների հիմնադրման նախաձեռնողն ու արտոնագիր շնորհողը եղել է «Անգլիայի Մեծ Օթյակը»: 1863 թ. մարտի 4-ին հիմնադրվել է «Saint John's» («Սուրբ Հովհաննես») թիվ 952 օթյակը, որը կարճ գոյատևեց և 1864 թ. դադարեցրեց իր աշխատանքները: 1864 թ. հիմնադրվեց «Saint George's» («Սուրբ Գևորգ») թիվ 1015 օթյակը, իսկ 1870 թ.՝ «Sion» («Սիոն») օթյակը, որոնք գործում էին ֆրանկների փողոցի անգլիական ակումբում: 1894 թ. հունիսի 6-ին «Անգլիայի Մեծ Օթյակը» դադարեցրեց «Հաղթանակ», «Սուրբ Հովհաննես», «Սուրբ Գևորգ» և «Սիոն» օթյակների ֆինանսավորումը⁶:

1859 թ. նոյեմբերի 19-ին Ջնյուռնիայում հիմնված «Homer» (Հոմեր) թիվ 806 օթյակի Մեծ Վերահսկողի բարձր պաշտոնը զբաղեցրեց Սերովբե Ազնավուրը⁷: Երկու տարի անց Սերովբե Ազնավուրը մասունական հերթական բարձրագույն աստիճան ստացավ նոյեմբերի 9-ին Կ. Պոլսում հիմնված անգլախոս «Bulwer» (Բուլվեր) թիվ 891 օթյակում՝ ընտրվելով Գերհարգելի Վարպետ: Այս օթյակի 11 հայ անդամների թվում էին վաճառական Միքայել Երամյանը, Բարձր դեման բարձրաստիճան պաշտոնյա Ասատուր Սարգսյանը, Կ. Պոլսի առևտրի պալատի հիմնադիրներից Սենեքերիմ Մանուկյանը և հայտնի թատերական գործիչ Հակոբ Վարդովյանը⁸:

Սենեքերիմ Մանուկյանը (1824-1908) Կ. Պոլսի մանուֆակտուրային տնտեսության և առևտրական կյանքում կարևոր դերակատարում ունեցող գործարար էր, ով ուղղակի հարաբերություններ ուներ եվրոպական երկրների վաճառականության հետ: Նրա

¹ Տե՛ս նույն տեղում, էջ 154, Jamgocyan O., նշվ. աշխ., էջ 57, 62, «Կեանք եւ Արուեստ», 1935, էջ 79:

² Տե՛ս «Հայրենիք», 1954, դեկտեմբեր, թիվ 12, էջ 95:

³ Նույն տեղում, 1955, փետրվար, թիվ 2, էջ 79, Պէլլէրեան Ա., նշվ. աշխ., էջ 161:

⁴ Տե՛ս «Հայրենիք», 1955, հունիս, թիվ 6, էջ 94, Պէլլէրեան Ա., նշվ. աշխ., էջ 176, 178, Jamgocyan O., նշվ. աշխ., էջ 84.

⁵ Տե՛ս «Հայրենիք», 1955, փետրվար, թիվ 2, էջ 79:

⁶ Տե՛ս Պէլլէրեան Ա., նշվ. աշխ., էջ 154, Jamgocyan O., նշվ. աշխ., էջ 65:

⁷ Տե՛ս «Կեանք եւ Արուեստ», Տարեգիրք Ե տարի, Փարիզ, 1935, էջ 78-79, Jamgocyan O., նշվ. աշխ., էջ 63-64:

⁸ Տե՛ս Պէլլէրեան Ա., նշվ. աշխ., էջ 154; Jamgocyan O., նշվ. աշխ., էջ 62, «Կեանք եւ Արուեստ», տարեգիրք Ե տարի, Փարիզ, 1935, էջ 79:

գլխավորած առևտրական պալատը մասնաճյուղեր ուներ Լոնդոնում, Մանչեսթրում և Բադդադում: Նա միաժամանակ հայտնի բարերար էր, 1868-1877 թվականներին «իրական բարիք մ» եղաւ»⁴ Կ. Պոլսի ազգային հիվանդանոցին, ինը տարի շարունակ «գրեթե միայնակ վարեց»¹ հիվանդանոցի հոգաբարձուների խորհուրդը, որի «պարտականությունները ծայրաստիճան խոհականությամբ վարեց»²: Նրա գլխավորած խորհրդի կազմում էին նաև Մկրտիչ Աղաթոնը, Հակոբ Նորատունկյանը, Սերովբե Վիչենյանը³, ովքեր նույնպես մասոն էին: Անուրանալի են Ս. Մանուկյանի ծառայությունները «ազգային շրջանակին մէջ»: Սկսած 1860 թ. մինչև 1891 թ. նա պարբերաբար ընտրվում էր ազգային երեսփոխան, ֆինանսական խորհրդի, քաղաքային ժողովի, վարչական ասոյանի անդամ:

Հակոբ Վարդուկյանը (1840-1898) իր ժամանակի մեծագույն բեմադրիչներից մեկն էր, Կ. Պոլսում մեծ ճանաչում ունեցող եվրոպական տիպի «Օսմանիե» թատրոնի հիմնադիրը: Նրա «անխոնջ ու անվիաստ աշխատության շնորհիվ»⁴ «Արևելյան թատրոնի» դերասաններից 1868թ. կազմված կոլեկտիվը տասը տարի շարունակ Արևելքի ամենամեծ ու կայուն ծրագրով գործող թատերախումբն էր: Վարդուկյան թատրոնը Կ. Պոլսում ապրող թուրքախոս ժողովուրդների՝ թուրքերի, հայերի, հրեաների, բուլղարների և այլոց հոգևոր մերձեցման կենտրոնն էր⁵: Այն իր արհեստավարժությամբ և գեղարվեստական բարձր մակարդակով 1876 թ. զարմացրել ու հիացրել էր անգլիական հայտնի դիվանագետ և քաղաքական գործիչ լորդ Սոլսբերիին: Առանց Հ. Վարդուկյանի հազիվ թե ստեղծվեր թուրքական դրամատուրգիան: Նա առաջինը թուրքերենով բեմադրեց ֆրանսիացի նշանավոր գրող և մեծ մասոն Վիկտոր Հյուգոյի⁶ «Արքան զվարճանում է», «Լուկրեցիա Բորջիա» և «Անջելո» դրամաները⁷:

1864 թ. ապրիլի 27-ին Ջնյուռնիայում հիմնվեց հայ մասոնության պատմության մեջ առաջին հայախոս օթյակը՝ «Տիգրան» թիվ 1014 անվանումով, որին անդամագրվեցին հասարակական գործիչներ, լրագրողներ, ազգասեր և գործարար մարդիկ: Օթյակի հիմնական հիմնադիրները «Հոներ» թիվ 806 օթյակի կարևոր դեմքերն էին: Հայկական օթյակ ստեղծելու գաղափարը դեսպան Հ. Բուլվեր-Լիթոնինն էր, իսկ անմիջական նախաձեռնողը Սերովբե Ազնավուրն էր⁸: Օթյակի հիմնադրումը պայմանավորված էր ներքին և արտաքին մի քանի գործոններով: 1860 թ. մայիսի 24-ին և 1863 թ. մարտի 17-ին ազգային սահմանադրությունները չարդարացրին արևմտահայության նոր կյանքի, միության, զորության և ազգային հույսերի իրականացման ակնկալիքները: Արևմտահայ մտավորականությունը, հասկանալով, որ ազգային սահմանադրությունը չի երաշխավորում մարդկանց կյանքի, զույքի անվտանգությունը և քաղաքացիական ազատություններ չի շնորհում, հարկադրված եղավ ապավինել մասոնական օթյակների զորությանը: Հայ մասոնությունը ծնվեց ու զարգացավ ամենից առաջ իբրև հակազդեցություն ազգային սահմանադրության «թմրեցուցիչ եւ յուսախաբութիւն ծնեցնող գործունէութեան»⁹: Ազգային սահմանադրության «ազդեցութեան խիստ փանաքի լինելը»¹⁰, իրավազրկությունը, հարկային ծանր բեռը, բռնի կրոնափոխությունը, 1862 թ. հուլիս-օգոստոսի Ջեյթունի ապստամբության եղերական հետևանքները հայ մտավորականներին, հասարակական

¹ Քէչեան Բ., Պատմութիւն Սուրբ Փրկչի Հիւանդանոցին Հայոց ի Կոստանդնուպոլիս, Կ.Պոլիս, 1888, էջ 237, Օրմանեան Մ., Ազգապատում, Գ հատոր, մասն Ա, Պէյրութ, 1961, էջ 4433-4435:

² Ջարդարեան Վ.Գ., Յիշատակարան, էջ 75:

³ Տե՛ս Քէչեան Բ., նշվ. աշխ., էջ 224-225:

⁴ Պարոնյան Հ., Երկերի ժողովածու, հատոր 2, Ե., 1964, էջ 254:

⁵ Տե՛ս Ստեփանյան Գ., Ուրվագիծ արևմտահայ թատրոնի պատմության, հատոր 2, Ե., 1969, էջ 7-9:

⁶ Տե՛ս Гоголицин Ю. М. Тайные общества в истории человечества или кто правит миром? Ростов -на-Дону, 2010, с. 57.

⁷ Տե՛ս Ստեփանյան Հ., Հայերի ներդրումն Օսմանյան կայսրությունում, Ե., 2012, էջ 73, 516:

⁸ «Հայրենիք» ամսագիր, 1955, փետրվար, թիվ 2, էջ 81, Պէլլէրեան Ա., նշվ. աշխ., էջ 161, 164, Jamgocyan O., նշվ. աշխ., էջ 67:

⁹ «Հայրենիք», 1937, մարտ, թիվ 5, էջ 75:

¹⁰ Չիլինկիրեան Գ., Ուղեւորութիւն ի Կոստանդնուպոլիս, Ջնյուռնիա, 1883, էջ 56:

գործիչներին ու վաճառականությանը դրդեցին դեպի մասոնություն, որոնց օթյակների ամենակարողության հետ լուրջ հույսեր էին կապում:

Ջեյթունի ապստամբության հանգուցալուծման գործում Ֆրանսիայի կայսր մասոն Նապոլեոն երրորդի¹ միջամտությունը, Կ. Պոլսում Ֆրանսիայի դեսպան Դրուեն դը Լուրի, Հալեպի ֆրանսիական հյուպատոսի անմիջական մասնակցությունը փոխադարձ զիջումների գնով հաշտության ձեռք բերման գործում Ֆրանսիայի արևելյան քաղաքականության բաղկացուցիչ մասն էր, որը նպատակ էր հետապնդում ամրապնդել տնտեսական ու քաղաքական ազդեցությունը Կիլիկիայում²: Կ. Պոլսում Անգլիայի դեսպան Հ. Բուլվեր-Լիթոնը դրանում տեսնում էր ոչ միայն իր պետության դիրքերի թուլացումը Թուրքիայում, այլև ֆրանսիական մասոնական օթյակների ակտիվացման լուրջ նախադրյալներ արևմտահայության շրջանում: Դրա վկայություններից մեկն այն էր, որ թուրքական «Նոր օսմաններ» շարժման գաղափարախոսներ Իբրահիմ Շինասին, Նամիկ Բենալը, պետական և զինվորական մի շարք պաշտոնյաներ, անգամ Ջեյթունի ապստամբությունը ճնշած Ահմեդ Ազիզ փաշան ֆրանսիական «Արևելքի միություն» օթյակի անդամ էին³: Հ. Բուլվեր-Լիթոնը նկատում էր, որ Ջեյթունի դեպքերից հետո արևմտահայ մտավորականների ու վաճառականների համակրանքը Ֆրանսիայի նկատմամբ հետզհետե ավելանում է. նրանք հակվում են դեպի «Ֆրանսիայի Մեծ Արևելք» օթյակը և ֆրանսիական մասոնությունը: Դրան էին միտված նաև Կ. Պոլսում և Ջնյուռնիայում գործող ֆրանսիական մասոնական օթյակների և, հատկապես Ջեյթունի ապստամբությունից հետո՝ 1862 թ. հոկտեմբերի 23-ին հիմնված ֆրանսախոս «Union d' Orient» («Արևելքի միություն») մասոնական օթյակի⁴ Գերհարգելի Վարպետ Լուի Ամիաբլի գործունեությունը: Հ. Բուլվեր-Լիթոնն արևմտահայության շրջանում մասոնության ազդեցության տարածման գործում Լ. Ամիաբլին համարում էր իր մրցակիցը, ուստի ջանում էր ամեն կերպ թուլացնել ֆրանսիական մասոնության դիրքերը և հայությանն իր կողմը գրավել⁵: Նրա աջակցությամբ Սերովբե Ազնավուրը 1862 թ. օգոստոսի 21-ին ստեղծեց «Հայկ» կամ «Օրիոն» անվանումով եղբայրական ընկերություն, որը Մանչեսթրի «Odd Fellows» մասոնական օթյակի մասնաճյուղն էր⁶: Ս. Ազնավուրի խնդրանքով և Հ. Բուլվեր-Լիթոնի համաձայնությամբ 1863 թ. ծնունդը անգլիական «Star of the East» («Արևելքի Աստղ») և հայկական «Հայկ» օթյակները միասնաբար տոնեցին իրենց հիմնադրման առաջին տարեդարձը: Հ. Բուլվեր-Լիթոնի միջամտության շնորհիվ միայն Բարձր դուռը 1863թ. մարտին վավերացրեց արևմտահայերի Ազգային սահմանադրությունը⁷: Հայկական «Տիգրան» օթյակի հիմնադրման գործում որոշակի ազդեցություն ունեցավ նաև մասոնների գլխավորած ազգային-ազատագրական և միավորման համար 1862 թ. իտալացիների ու չեռնոգորցիների, 1863 թ. լեհերի և 1864 թ. Շլեզվիգ-Հոլշտայնի դքսության գերմանացիների պայքարը, որոնց արևմտահայ մտավորականությունն ու մասոնությունը քաջատեղյակ էր: Այս առումով «Տիգրան» օթյակի ստեղծումը 1860-ական թվականների սկզբի «պատմական օրերու արգասիքն էր»⁸:

¹ Ֆրանսիայի կայսր Նապոլեոն 3-րդի (1808-1873) կառավարման տարիները սերտորեն առնչվում են մասոնության հետ: 1862 թ. հունվարի 11-ին կայսերական հրամանագրով նա «Աստծո և ժողովրդի կամոք» «Ֆրանսիայի Մեծ Արևելք» Օթյակի Մեծ վարպետ նշանակեց մարշալ Բեռնար Մանյանին (1791-1865): Նրա մահից հետո թույլ տվեց մասոններին ինքնուրույն ընտրել օթյակի Մեծ վարպետին, Տե՛ս Րիվի Դձ. Սոց. հայտ. սոց., ս. 261-262, 1976, թիվ 9, ս. 140; Լանին Ս. Тайные пружины истории, «Молодая гвардия», М., 1991, թիվ 8, ս. 253:

² Տե՛ս Մելիքսեթեան Վ., Ջեյթունի 1862 թ. ապստամբությունը, Ջեյթունի պատմագիրք, Պուենոս Այրես, 1960, Պողոսյան Հ., Ջեյթունի պատմությունը (1409-1921), Ե., 1969:

³ Տե՛ս Պէլլէրեան Ա., նշվ. աշխ., էջ 162:

⁴ «Արևելքի Միություն» օթյակի հիմնադիրներից 5-ը և 65 անդամներից 17-ը պոլսահայ համայնքի տարբեր բնագավառների ճանաչված դեմքեր էին, իսկ օթյակի Պատվավոր Վարպետը Սերովբե Ազնավուրն էր: Տե՛ս Պէլլէրեան Ա., նշվ. աշխ., էջ 157-158:

⁵ Տե՛ս Պէլլէրեան Ա., նշվ. աշխ., էջ 158, Jamgocyan O., նշվ. աշխ., էջ 67:

⁶ Տե՛ս «Հայրենիք», 1954, հոկտեմբեր, թիվ 10, էջ 95-100, նոյեմբեր, թիվ 11, էջ 98-99, դեկտեմբեր, թիվ 12, էջ 92:

⁷ Տե՛ս Պէլլէրեան Ա., նշվ. աշխ., էջ 160:

⁸ Նույն տեղում, էջ 163:

Հ. Բուլվեր-Լիթոնի նախաձեռնությամբ և Սերովբե Ազնավուրի թելադրանքով անգլիացի յոթ մասուններ Ջնյուռնիայում հայկական օթյակ ստեղծելու նպատակով խնդրագիր ներկայացրին «Անգլիայի Մեծ Օթյակին», որը նրանց խնդրանքը բավարարեց: «Տիգրան» թիվ 1014 օթյակի պաշտոնական բացումը տեղի ունեցավ 1864 թ. օգոստոսի 12-ին: Իր գործունեության առաջին 12 տարիների ընթացքում «Տիգրան» օթյակն ունեցել է 118 անդամ, որից 108-ը՝ հայ, 7-ը՝ թուրք և 3-ը՝ հույն: Օթյակին անդամագրվել են հիմնականում երիտասարդ մարդիկ, որոնց միջին տարիքը կազմել է 35 տարին: Օթյակի անդամների թվում գերակշռություն են կազմել վաճառականները՝ մոտ 70 մարդ, մյուսները եղել են ամենատարբեր մասնագիտությունների տեր գնյուռնահայ ճանաչված դեմքեր¹:

«Տիգրան» օթյակը հայ մասնության պատմության մեջ կարևոր է ոչ միայն իր բեղուն գործունեությամբ, այլև ամենից առաջ նրանով, որ այս օթյակին անդամագրվել են «Ջնյուռնահայ մտաւորական վերագարթնումի ռահվիրաներէն շատերը»²: Նրանց թվում էին 1866 թ. օթյակին անդամագրված արևմտահայ մամուլի տաղանդավոր դեմքեր, հայտնի հրապարակախոսներ ու խմբագիրներ Մատթեոս Մամուրյանը, Գրիգոր Զիլինկիրյանը և Ղուկաս Պալտազարյանը, թարգմանիչ Սեսրոպ Նուպարյանը, դերասան Ստեփան Էքշյանը³: Օթյակի երևելի անդամներից Ջնյուռնիայի «տաղանդավոր գրագետ» Մատթեոս Մամուրյանը (1830-1901) «իբր գրագետ անսովոր տիպար մը եղած է Թուրքիոյ հայոց մէջ, իբր գաղափարի ժիր մշակ մը և ազգային բազմահմուտ ու արդյուավոր գործիչ մը»⁴: 1848 թ. Փարիզի Մուրադյան վարժարանում ուսումնառության համար առաջին անգամ ստացած⁵ և Քեմբրիջի համալսարանում ուսանած, 1858 թ. Եվրոպայում շրջագայած Մատթեոս Մամուրյանը շատ ուսանողների նման «ժողովրդոց անկախության, բարօրության, արդարության հաղթանակը կերագեր... Կը գնայլեր Մածծինիի ու Կարիպալտիի վրա, որ գաղտնի ընկերություններ կազմելով՝ ազատութեան ու անկախութեան ոգին գործավորներու մեջ սփռելը կը ջանային»⁶: Մ. Մամուրյանը եվրոպական ազատական գաղափարների ազդեցության տակ դարձավ արևմտահայ սահմանադրական շարժման ակտիվ գործիչներից մեկը և հայ ազգային-ազատագրական պայքարի գաղափարախոսը: 1862 թ. նա հանգանակություն կատարեց Ջեյթունի ապստամբների օգտին, հրապարակավ հանդես եկավ Կիլիկիայում Ազիզ փաշայի արյունահեղ գործողությունները դատապարտող հոդվածներով: 1860-1865թթ. Մ. Մամուրյանը Կ. Պոլսի հայոց պատրիարքարանի դիվանապետն էր: Նա երեսուն տարի Ջնյուռնիայում հրատարակեց «Արևելյան մամուլ» գրական-քաղաքական հանդեսը, թարգմանաբար տպագրեց եվրոպական գրականության նշանավոր դեմքեր, մասուններ Վոլտերի, Ի. Գյոթեի, Գ. Լեսինգի, Վ. Հյուգոյի⁷, Ա. Լամարթինի (1790-1869), Ա. Մյուսեի (1810-1857) ստեղծագործությունները:

Մատթեոս Մամուրյանը «հայ գրականութեան հրաշակերտներից մեկում»⁸ իր «Հայկական նամականի կամ հայու ձակատագիր» վեպում «վարպետ վրձնով» ներկայացնում է «ժամանակի ականավոր հայ դեմքերին, որոնց մի մասն իր ազատ որմնադիր

¹ Տե՛ս «Հայրենիք», 1955, փետրվար, թիվ 2, էջ 81, Պէլլերեան Ա., նշվ. աշխ., էջ 161, Jamgocyan O., նշվ. աշխ., էջ 67:

² Տե՛ս «Հայրենիք», 1955, փետրվար, թիվ 2, էջ 81:

³ Տե՛ս նույն տեղում, էջ 82-83: «Կեանք և Արուեստ», Փարիզ, 1935, էջ 73; Պէլլերեան Ա., նշվ. աշխ., էջ 161, Jamgocyan O., նշվ. աշխ., էջ 69-71:

⁴ Ալպոյաձեան Ա., Ջնյուռնիո տպարանները, էջ 83:

⁵ Տե՛ս Ասատուր Հ., նշվ. աշխ., էջ 122:

⁶ Մամուրեան Մ., Անկլիական նամականի կամ հայու մը ձակատագիրը, Երկեր, Ե., 1966, էջ 137:

⁷ Վոլտերը ֆրանսիական մասնության օրրան «Ինը քույրեր» նշանավոր օթյակում ազատ որմնադիր ձեռնադրվել է 1778 թ. ապրիլի 7-ին: Գյոթեն Վայմարի «Ամալիա» օթյակի անդամ է դարձել 1780 թ. հունիսի 23-ին: Լեսինգը Համբուրգի «Երեք վարդ» օթյակի անդամ էր: Վիկտոր Հյուգոն «Սիոնի օրդենի» մեծ ղեկավար էր 1844-1885 թվականներին: Տե՛ս Ридли Дж., Указ. соч., с. 139; Карпачев С., Указ. соч., с. 113, 134, 238; Морамарко М., Указ. соч., с. 263, 266, 269; Черняк Е. Б., Западноевропейское масонство XVIII века, «Вопросы истории», М., 1981, թիվ 12. с. 114; Гоголицин Ю. М. Указ. соч., с. 57; Спаров В. Указ. соч., с. 180, 182.

⁸ Ասատուր Հրանտ, Դիմաստուերներ, էջ 132:

եղբայրներն էին: Վեպի գլխավոր հերոս Վրույրը Մատթեոս Մամուրյանն ինքն է: Վրույրը պարահանդեսում հանդիպում է դիմակների տակ թաքնված մի խումբ հայ գործիչների, որոնցից ոչ մեկի անունը մասունական գաղտնապահությամբ չի հիշատակում: Սակայն «զիրենք ծածկող դիմակը այնչափ թափանցիկ է»¹, իսկ հեղինակի բնութագրումները՝ այնքան դիպուկ, որ նրանք հեշտությամբ բացահայտվում են: Վրույրի օթակում պարահանդեսին մասնակցողներից Արբունը բժիշկ Սեվիչենն է, Թաշմանը՝ բանաստեղծ Մկրտիչ Պեշիկթաշյանը, Նուրհանը՝ հրապարակախոս Գրիգոր Օտյանը, Արգանը՝ բժիշկ Բարունակ Բեյ Ֆերուհիսանը, Եղունը՝ «Մեղուի» խմբագիր Հարություն Սվաճյանը, Թոթվիկը՝ ռուսական հյուպատոսարանի թարգման Հաբեթիկ Նեվրուզյանը, Լուտանեանը՝ «Արևմուտքի» խմբագիր Ստեփան Ոսկանյանը, Եանսինուրը՝ ազգային գործիչ, բժիշկ Նահապետ Ռուսինյանը²: Նրանց, ինչպես նաև պարահանդեսի դիմակավոր և անդիմակ այլ մասնակիցների Մ. Մամուրյանը ներկայացնում է «իր կրակոտ, կծող, հեգնող, երբեմն անզուր ռճով, հրապարակագրի բոլոր արիւթեամբը, արհամարհելով ամեն նկատում և իր զգացումներին ու համոզումներին վարուած միայն՝ իր դատումների մէջ»³

Համբավավոր հրապարակախոս, հասարակական, գրական գործիչ և թարգմանիչ, բարձրաստիճան մասոն Գրիգոր Զիլինկիրյանը (1839-1923) «Տիգրան» օթակի Մեծ Վերահսկիչն էր⁴: Նա «իր ամենէն վառվռուն տարիներին մեջ՝ տարածելու համար իր գաղափարները և պայքարելու համար խաւարեալ գաղափարներու և նորահաստատ ազգային սահմանադրութեան հակառակորդներուն դէմ»⁵ իր համախոհներ «եռանտուն երիտասարդ» Պեպեքի ամերիկյան վարժարանում ուսանած Արմենակ Հայկունու⁶, Գալուստ Կոստանոյանի (1840-1898) և իր քնակալ Մատթեոս Մամուրյանի հետ 1861-1867 թթ. Ջնյուռնիայում հրատարակեց «Ծաղիկ» հանդեսը, որը Հ. Սվաճյանի «Մեղուի» և Ստ. Ոսկանյանի «Արևմուտքի» հետ դարձավ արևմտահայ դեմոկրատների ծայնափողը: Իր գաղափարակից մասոն եղբայրների օրինակով նա Տետեյանների տպարանում տպագրեց 30 հատոր «խղճամիտ թարգմանած»⁷ ֆրանսիական մի շարք անվանի հեղինակների, այդ թվում՝ Վ. Հյուգոյի, Շատոբրիանի, Ա. Լամարթինի, Ա. Սյուսեի, Ա. Պրեվոյի, Է. Սյուի, Ժ. Սանի և այլոց ստեղծագործությունները⁸: Գ. Զիլինկիրյանը «չափե դուրս ազատախոհ, չափե դուրս պայքարող հոգի ուներ»⁹ և որպես ազատ որմնադիր ջատագովում էր Վ. Հյուգոյի «հեղաշրջական» հայացքները, ում հետ նամակագրական կապ ուներ, ջերմ համակրանքով արտահայտվում էր մեծ մասոն Ջ. Գարիբալդու և նրա գլխավորած ազատագրական պայքարի մասին: Ազնիվ զգացումներով տոգորված Գ. Զիլինկիրյանը առաջադեմ էր ազգային-ազատագրական խնդիրները «բազուկի» և «զինական հեղափոխությամբ» լուծելու խնդրին, պաշտպանում էր գեյթունցիների պայքարը: Արևմտահայ սահմանադրական շարժման ջատագով Գ. Զիլինկիրյանն ակտիվորեն մասնակցում էր ազգային վարչական և կրթական գործերին, Ջնյուռնիայի գավառական ժողովի ու ուսումնական խորհրդի անդամ էր¹⁰:

Ջնյուռնիայում առաջին ազգային թերթի անխոնջ խմբագիր Ղուկաս Պալազարյանը (1810-1878) «ազգասէր բարեկամներեն բավական քաջալերութեան ընդունելով»¹¹ 38 տարի շարունակ հրատարակեց «Արշալույս Արարատյան» լրագիրը, որը «ճշմարիտ

¹ Նույն տեղում, էջ 125:

² Տե՛ս նույն տեղում, էջ 132:

³ Նույն տեղում, էջ 132:

⁴ Տե՛ս «Հայրենիք» ամսագիր, 1937, մայիս, թիվ 7, էջ 132:

⁵ Ջարդարեան Վ., Յիշատակարան, Երկրորդ հատոր, էջ 339:

⁶ Տե՛ս Ասատուր Հ., Դիմաստուներներ, էջ 138:

⁷ Նույն տեղում, էջ 142:

⁸ Տե՛ս նույն տեղում, էջ 142; «Հայրենիք» ամսագիր, 1937 մայիս, թիվ 7, էջ 132:

⁹ «Հայրենիք» ամսագիր, 1937, մայիս, թիվ 7, էջ 132:

¹⁰ Տե՛ս Ղազարյան Հ., Գրիգոր Զիլինկիրյան, Ե., 1959; Կարինյան Ա., Արևմտահայ լուսավորիչները 60-70 ական թվականներին, «Տեղեկագիր ՀՍՍՀ ԳԱ», 1944, թիվ 6, Ջարդարեան Վ., նշվ. աշխ., էջ 342, «Արևելյան մամուլ», 1905, թիվ 24:

¹¹ Ալպոյաճեան Ա. Ջնյուռնիո տպարանները, էջ 78:

արշալույսն էր հայ լրագրութեան»¹: Հայ պարբերական մամուլի պատմության մեջ «Արշալույս Արարատյանը» լրագիրը «ազգային հին ու նոր կեանքն անընդհատ նկարելու մի միակ հայելին էր»², որի մասունական գաղափարների ազդեցությունը կրող բազմաբովանդակ հրապարակումները ոչ միայն լուսավորում էին հայոց աշխարհը, այլև եվրոպայում տեղի ունեցող քաղաքական կարևոր իրադարձությունները: 1848թ. եվրոպական հեղափոխությունների և ազգային-ազատագրական պայքարի բռնկումից ոգևորված մասուն Ղ. Պալդազարյանի խմբագրած «Արշալույս Արարատյանը» «ժամանակին պահանջմանց ջանալով որդեգրեց հայրենասիրություն, ուսումնասիրություն և եղբայրասիրություն»³ սկզբունքը, որին հավատարիմ մնաց տարիներ շարունակ: Բարձր գնահատելով «հայ խմբագրաց այս անվանի նահապետի» վաստակը՝ Մ. Մամուրյանը իր գործընկերոջը ու օթյակի եղբորը համարում էր «իբրև խմբագիր հայ օրագրութեան մեջ եզակի պատկեր մը», ով այդպիսին «պիտի մնա միշտ՝ իր գաղափարներով ու իրեն յատուկ արժանիքով»⁴: «Արշալույս Արարատյանը» կատարյալ շտեմարան էր ոչ միայն եվրոպական քաղաքական բազմաբնույթ իրադարձությունների, այլև հայ հասարակական կյանքի ցանկացած բնագավառի ուսումնասիրության համար⁵:

Թարգմանիչ, բառարանագիր և հրապարակագիր Մեսրոպ Նուպարյանը (1842-1929) Ջնյունիայում հայտնի տպագրիչներ մասուն Տետեյան եղբայրների քեռորդին էր⁶, առաջին թարգմանությունները տպագրել է «Արշալույս Արարատյան» թերթում, իսկ հրապարակախոսական և գիտական հոդվածներով աշխատակցել «Ծաղիկ», «Արևելյան մամուլ» պարբերականներին, որոնց խմբագիրներն իր նման մասուն էին: Մ. Նուպարյանը հատուկ ընտրությամբ, թուրքական գրաքննության դաժան պայմաններում, թարգմանել է եվրոպական մի շարք հեղինակների ստեղծագործությունները, որոնց թվում կարևոր տեղ են գրավում մասուններ Վոլտերը, Վ. Հյուգոն, Ի. Գյոթեն, ինչպես նաև Ֆ. Շատոբրիանը, Ժ. Բ. Մոլիերը, Ժ. Լաֆոնտենը և ուրիշներ: Մ. Նուպարյանի լավագույն թարգմանություններից մեկը ֆրանսիական հեղափոխական բանակի կապիտան մասուն Ռուժե դը Լիլի⁷ (1760-1836) հեղինակած Ֆրանսիայի ազգային օրհներգ «Մարսելիեզի» ամբողջական թարգմանությունն է⁸, որն աշխարհաբար լույս է տեսել 1877 թ. ապրիլին Մատթեոս Մամուրյանի հրատարակած «Արևելյան մամուլ» թերթում⁹: Մեծ է Մ. Նուպարյանի վաստակը բառարանագրության մեջ: Նա Գալուստ Կոստանդյանի, Մատթեոս Մամուրյանի և Գրիգոր Մսերյանի օգնությամբ և աջակցությամբ¹⁰ կազմեց «Բառարան ֆրանսերենե հայ-աշխարհիկը»՝ շուրջ 40 հազար բառով, որը «գերագույն ճգնաց արդիւնք է և աննկան կամքի մ'ուժով միայն կրցավ գլուխ ելնել»¹¹: Իր երկարատև և բեղուն գրական գործունեությամբ Մ. Նուպարյանը «գնահատելի ծառայութիւն մատուցած է»¹² հայ հասարակական մտքին և իր աշխատակցած պարբերականներին:

Հայ թատրոնի պատմության մեջ հիշատակության արժանի դեմքերից Ստեփան Էքշյանը (1834-1901) թատերական բեղմնավոր գործունեություն է իրականացրել Կ. Պոլսում և Ջնյունիայում: Սկսած 1861թ. նա հանդիսացել է «Արևելյան թատրոնի» կար-

¹ Գալէմքերեան Գ., նշվ. աշխ., էջ 52:

² Նույն տեղում, էջ 57:

³ Նույն տեղում, էջ 51:

⁴ «Արևելյան մամուլ», Ջնյունիա, 1878, հունիս էջ 65-66

⁵ Տե՛ս Հակոբյան Մ., Ջնյունահայ պարբերական մամուլը (1839-1860), Ե. 1984, էջ 35:

⁶ Տե՛ս Ասատուր Հ., Դիմաստուերներ, էջ 191:

⁷ Տե՛ս Ридли Джаспер, Фримасоны. Люди, творящие мировую историю. Пер. с англ., М. 2007, стр. 166.

⁸ «Մարսելիեզի» հայերեն առաջին թարգմանությունը 1854թ. կատարել է նշանավոր գրող և հրապարակախոս, մասուն Ստեփան Ոսկանյանի եղբայր Հակոբ Ոսկանյանը (1824-1907), որը լույս է տեսել Ջնյունիայում Տետեյան եղբայրների տպարանում հրատարակվող «Արփի Արարատյան» հանդեսում: 1864 թ. «Մարսելիեզը» թարգմանել է նաև Ստեփան Ոսկանյանը: Տե՛ս Բախչինյան Ա., Մարսելիեզը և հայ իրականութիւնը, «Հայկազեան Հայագիտական Հանդես», 2001, էջ 201:

⁹ Տե՛ս «Արևելյան մամուլ», 1877, ապրիլ, էջ 152-154:

¹⁰ Տե՛ս «Արևելյան մամուլ», 1902, էջ 404:

¹¹ Նույն տեղում, 1893, էջ 420, Ասատուր Հ., Դիմաստուերներ, էջ 193:

¹² Ասատուր Հ. Հայ մատենագրությունը և հայ մատենագիրները, էջ 328-329, 330:

կառուն սյուներից մեկը», գլխավորել է «Հայ դերասանական ընկերությունը»¹: Որպես դերասան Ս. Էքշյանը մեծ հաջողություններ է ունեցել հատկապես պատմական ողբերգություններում և արևմտաեվրոպական մելոդրամաներում: Նրան համարել են «մեր ազգային դերասանութեան սկիզբն ու հայրը», «հայ դերասանութեան ստեղծիչ»², դերասան, ով իր դերերը կատարել է «բնականութեան ճշգրիտ սահմաններում մեջ»³: «Արշալույս Արարատյանը», հաճախակի անդրադառնալով «Արևելյան թատրոնի» բեմադրություններին, նշում էր, որ դերասանների շրջանում «ամենին շատ համակրութիւն և համարում»⁴ ուներ Ստեփան Էքշյանը: Թերթի բնութագրմամբ՝ նա «իր զանազան առավելութեամբքը ազգին մեջ առաջինը կըրնա սեպուիլ»⁵: Ս. Էքշյանը «հայ բեմը պաշտող, ինքն էլ տաղանդավոր դերասան»⁶ լինելուց զատ, միաժամանակ «Արևելյան թատրոնի» ամենին փայլուն ու բեղմնավոր բեմական գործիչներեն»⁷ մեկն էր, բազմաթիվ հիշարժան բեմադրությունների հեղինակ, «դեր ստեղծելու մասին ճարտար առաջնորդ»⁸:

«Տիգրան» օթյակի անդամների թվում էին «արժեքաւոր հայ անձնաւորութիւններ՝ ազգասէր, գրասէր եւ արուեստագետ»⁹ մարդիկ: Նրանցից մեկը 1866թ. օթյակին անդամագրված դրամատուրգ, դերասան Սարգիս Վանանդեցին (Միրզայան, 1830-1871) էր¹⁰: Նա Զմյուռնիայի «Հաշտենից», «Վասպուրական» ընկերությունների անդամ էր, «Աղքատասիրաց ընկերության» ատենադպիրը, «Միություն» հանդեսի և «Իրավունք» (1868) թերթի խմբագիրը, «Վասպուրական թատրոնի» հիմնադիրներից, ղեկավարներից ու առաջատար դերասաններից մեկը: Հեղինակ էր պատմական ողբերգությունների, որոնցից «Միհրդատը», «Մեծն Ներսեսը» մեծ հաջողություն են ունեցել Կ. Պոլսի և Զմյուռնիայի թատրոններում¹¹:

«Տիգրան» օթյակի երևելի դեմքերից էին Մեսրոպ Նուպարյանի մորեղբայրները՝ գմյուռնահայ տպարանատեր-հրատարակիչներ, թարգմանիչներ Հարություն (1832-1868), Կարապետ (1822-1901) և Ստեփան (1823-1906) Տետեյան եղբայրները: Նրանցից «մեծ եռանդ և մտաւորական գործունեութեան մը վարիչ ըլլալու գաղափարով առլեցուն քսանամյա պատանի»¹² Հարություն Տետեյանի նախածեռնությամբ և իր եղբայրների աջակցությամբ հիմնադրված տպարանը գործել է շուրջ 40 տարի՝ դառնալով «ամենին օգտակարն ու յարատևը»¹³: «Մեծ տպագրապետ և արևմտեան հայոց ամենամեծ հրատարակիչ»¹⁴ Տետեյան եղբայրների անունը անխզելիորեն կապված է իրենց տպարանում հրատարակված «Արփի Արարատյան», «Ծաղիկ» հանդեսների, 208 հատոր գրականության, դասագրքերի և ձեռնարկների հետ: Տետեյան եղբայրներն իրենց բեղմնավոր գործունեությամբ մեծ ծառայություն են մատուցել նաև թարգմանչական գրականությունը՝ տպագրելով Վ. Հյուգոյի, Ա. Դյումայի, Ա. Լամարթինի և եվրոպական բազմաթիվ այլ մասուն հեղինակների, ինչպես նաև գմյուռնահայ մասուններ Մ. Մամուրյանի, Գ. Զիլինկիրյանի, Մ. Նուպարյանի անգլերենից և ֆրանսերենից թարգմանությունները¹⁵: Դրանցից շատերը հայերեն առաջին թարգմանություններ են: Մեսրոպ Նուպարյանի

¹ Ստեփանյան Գ., Ուրվագիծ արևմտահայ թատրոնի պատմության, հ. Առաջին, Ե., 1963, էջ 314, 315:

² «Հանդէս ամսօրեայ», Վիեննա, 1887 նոյեմբեր, թիվ 11, էջ 173, 174:

³ Շարասան, Թուրքահայ բեմը և իւր գործիչները, Կ.Պոլիս, 1914, էջ 13:

⁴ «Արշալույս Արարատյան», 1864, թիվ 726:

⁵ Նույն տեղում, թիվ 732:

⁶ «Հայրենիք» ամսագիր, 1937, մայիս, թիվ 7, էջ 131:

⁷ Շարասան, նշվ. աշխ., էջ 24, «Բազմավեպ», 1936, օգոստոս-դեկտեմբեր, էջ 256:

⁸ «Հանդէս ամսօրեայ», 1887, նոյեմբեր, թիվ 11, էջ 173:

⁹ «Հայրենիք», 1955, փետրվար, թիվ 2, էջ 81:

¹⁰ Տե՛ս Jamgocyan O., նշվ. աշխ., էջ 69:

¹¹ Տե՛ս Ստեփանյան Գ. Ուրվագիծ արևմտահայ թատրոնի պատմության, հատոր առաջին, Ե., 1963, էջ 162, 203, 204:

¹² Ալպոյաճեան Ա., Զմյուռնիո տպարանները, էջ 81:

¹³ Զարդարեան Վ., Յիշատակարան, առաջին հատոր, էջ 47-48, Ասատուր, նշվ. աշխ., էջ 192; Ալպոյաճեան Ա., նշվ. աշխ., էջ 81:

¹⁴ Ալպոյաճեան Ա., նշվ. աշխ., էջ 81:

¹⁵ Տե՛ս Նուպարեան Մ., Տիգրան Հարություն Տէտէեան, «Արևելյան մամուլ», 1901, մարտի 1, թիվ 5, էջ 192,

բնութագրմամբ՝ «Արևմտեան Հայոց ամենէ արդիւնաւոր հրատարակիչ... հայ գրական տարեգիրներու մէջ իր անուէն անմահացրած»¹ Հարություն Տետյանը հրատարակչական գործից զատ գրել է բանաստեղծություններ, թարգմանել և «Արփի Արարատյանում» տպագրել Ա. Ղյումայի, Ժ. Բ. Մուլիերի, Բ. Շմիդտի և այլոց ստեղծագործությունները²: 1868 թ. երիտասարդ հասակում իր մահկանացուն կնքած Հարություն Տետյանի հրատարակչական գործը շարունակած Կարապետ Տետյանը թարգմանել է Ու. Շեքսպիրի և Ժ. Բ. Մուլիերի ստեղծագործությունները, հրատարակել «Դիմակ» պարբերականը: Ստեփան Տետյանը թարգմանել է ֆրանսիական լուսավորիչ ժան-ժակ Ռուսոյի աշխատություններից, զբաղեցրել պատասխանատու պաշտոններ: Նա Փարիզում և Լոնդոնում թուրքական դեսպանության թարգմանիչն էր, Ջնյուռնիայի գավառական և քաղաքային ժողովների, տնտեսական և ուսումնական խորհուրդների անդամ³:

«Տիգրան» օթյակի ճանաչված դեմքերից էր հայտնի գործարար Տիրան Էքիզյանը: Նա առևտրական կապեր ուներ Լոնդոնում, Մանչեսթրում և Մոսկվայում: Զբաղվում էր պղնձի վաճառքով, «Բակիր Բեգիստեն» ընկերության սեփականատերն էր, ուներ հսկայական անշարժ գույք, այդ թվում՝ երկու հյուրանոց, ծիթապտղի ընդարձակ դաշտեր⁴: Նրա որդի Հակոբ Էքիզյանը (1873-1930) սովորել էր Սանկտ Պետերբուրգի արվեստի ակադեմիայում, Հայաստանի Ազգային պատկերասրահին նվիրել է մոտ 30 բարձրարժեք կտավ⁵:

«Տիգրան» օթյակի կարևոր դեմքերից մեկը գմյուռնահայ հայտնի մեծահարուստ, գրականության մեկենաս, մտավորականների և արվեստների պաշտպան Կարապետ Արապյանն էր⁶: «Անբավ հարստության» տեր Կ. Արապյանը Ջնյուռնիայում 1895թ. Սբ. Ստեփանոսի եկեղեցու պարտեզում իր միջոցներով կառուցեց ուսումնական արհեստանոց⁷: «Տիգրան» օթյակին 1866թ. անդամագրվեցին առևտրական լայն կապեր ունեցող վաճառականներ Մկրտիչ Էքիզյանը, Մարուքե Ֆրինգյանը, Հարություն Եսայանը, Գևորգ Աղաբեկյանը⁸: Այս օթյակի անդամ էին նաև փաստաբան Հարություն Ահարոնյանը, բժիշկ Թյուրապյանը, Կ. Պոլսի «Սեր» օթյակի անդամ Սիմոն Մաքսուտ բեյի եղբայր Սեպուհ Մաքսուտ բեյը, Հովհաննես Միրզայանը, Գևորգ Փափագյանը, Սերովբե Հակոբյանը և ուրիշներ⁹:

«Տիգրան» օթյակը մինչև 1876 թ. պարբերաբար հավաքույթներ էր անցկացնում յուրաքանչյուր ամսվա առաջին շաբաթ օրը՝ մասոնական սկզբունքներով քննարկելով քաղաքական, մշակութային և գմյուռնահայ համայնքի ներքին կյանքին վերաբերող բազմաթիվ հարցեր: Օթյակը համագործակցում էր Կ. Պոլսում և Ջնյուռնիայում գործող այլ օթյակների հետ, եղբայրական հարաբերություններ հաստատում, ընդունում օտար հյուրեր, երբեմն էլ բարձրաստիճան ազատ որմնադիրներ:

1875թ. «Տիգրան» օթյակում հյուրընկալվել է դեպի Հնդկաստան ճանապարհորդություն կատարող արքայազն Ուելսցին՝ Անգլիայի ապագա թագավոր Էդուարդ 7-րդը (1841-1910), ով «Անգլիայի Մեծ Օթյակի» Մեծ Վարպետն էր¹⁰: «Տիգրան» օթյակի Գերհարգելի Վարպետը նրան մասոնական պատշաճ արարողակարգով ընդունելության է արժանացրել, որին մասնակցել են հայ, անգլիացի և իտալացի մասոններ: Երեկոյան

¹ «Արևելյան մամուլ», 1901, հունվարի 1, թիվ 1, էջ 24:

² Տե՛ս նույն տեղում, 1901, փետրվարի 1, թիվ 3, էջ 99:

³ Տե՛ս Հակոբյան Մ. Ն., Ջնյուռնահայ պարբերական մամուլը (14839-1860 թթ.), Ե., 1984, Ճինգոյան Կ. Հ., էջեր XIX դարի 50-60-ական թվականների գմյուռնահայ գրական շարժման պատմությունից, «Պատմաբանասիրական հանդես», 1982, թիվ 2, էջ 61-71:

⁴ Տե՛ս Dedeyan (Prince Christian) Les Dedeyan, Saint Lazare-Venise, 1972, p. 40.

⁵ Տե՛ս Jamgocyan O., նշվ. աշխ., էջ 69-70:

⁶ Տե՛ս «Հայրենիք» ամսագիր, 1955, փետրվար, թիվ 2, էջ 82:

⁷ Տե՛ս Քոստան Հ. Հակոբ, Հայք ի Ջմիւռնիա և ի շրջակայս, Վիեննա, հ. 1, 1899, էջ 289:

⁸ Տե՛ս Jamgocyan O., նշվ. աշխ., էջ 70:

⁹ Տե՛ս «Հայրենիք», 1955, փետրվար, թիվ 2, էջ 82-83, Պէլլէրեան Ա., նշվ. աշխ., էջ 161, Jamgocyan O., նշվ. աշխ., էջ 73-75:

¹⁰ Տե՛ս Морган П. Секреты масонов. Пер. с. англ. М., 2008, с. 76, Ридли Дж., Указ. соч., с. 317-320, Карпачев С. Указ. соч., с. 478.

արքայազնի պատվին խնջույք է կազմակերպվել, որի ժամանակ Վարդան Փափազյանը նրա համար հայկական երգ է կատարել: Արքայազնը գոհունակություն է հայտնել իրեն ցուցաբերած ջերմ ընդունելության և հայախոս օթյակի գործունեության կապակցությամբ¹:

Գործունեության առաջին 12 տարիների ընթացքում «Տիգրան» օթյակը «ոսկեդար մը ունեցած է իր աշխատութեանց ընթացքին»²: Սկսած 1876թ. , երբ Թուրքիայում իշխանության եկավ սուլթան Աբդուլ Համիդ 2-րդը, քաղաքական նոր իրողության պայմաններում «Տիգրան» օթյակը հնարավորություն չունեցավ նախկին ակտիվությամբ գործել և վերջնականապես դադարեցրեց իր գործունեությունը 1894 թ. հունիսի 6-ին³: Հայ մասոնության պատմության մեջ «Տիգրան» օթյակը ամենաերկար կյանք ունեցած օթյակն էր, որը գործել է 30 տարի: Նրա փակումից հետո Ջնյունահայում այլևս հայկական մասոնական որևէ նոր օթյակ չհիմնվեց: Մինչ այդ, 24 տարի կանոնավոր աշխատելուց հետո, 1890 թ. դադարեց գործել Կ. Պոլսի հայկական «Սեր» օթյակը, որը «Ֆրանսիայի Մեծ Արևելք» օթյակի Գերագույն խորհրդի անդամ Լուի Ամիաբլի հորդորով և օթյակի որոշմամբ վերջնականապես փակվեց 1894 թ. սեպտեմբերի 17-ին⁴:

Հայկական օթյակների փակումը պայմանավորված էր սուլթան Աբդուլ Համիդ 2-րդի Թուրքիայում հաստատած ներքաղաքական նոր իրադրությամբ: Չնայած ծայրահեղ բարդ և հակասական բնավորությանը⁵ սուլթանը վարում էր չափազանց ճկուն ներքին ու արտաքին քաղաքականություն: Քրիստոնյա ժողովուրդների տևական ազգային-ազատագրական պայքարը դադարեցնելու, «Թուրքիան եվրոպականացնելու» մեծ տերությունների ու «նոր օսմանների» շարժման պահանջները կատարելու և Օսմանյան տերությունը լիակատար կործանումից փրկելու նպատակով⁶ Աբդուլ Համիդը 1876 թ. դեկտեմբերի 23-ին սահմանադրություն «շնորհեց»: Չնայած դրան՝ նա կայսրությունում կատարյալ բռնապետական կարգ հաստատեց, որից տուժեց ամենից առաջ արևմտահայությունը: 1890թ. ամռանը նախապատրաստած հայկական կոտորածների ծրագիրը⁷ «Կարմիր սուլթան» Աբդուլ Համիդ 2-րդը⁸ իրականացրեց 1894-1896 թթ. , որին զոհ գնաց նվազագույնը 300 հազար մարդ⁹:

Այս պայմաններում հայկական մասոնական օթյակների գործունեությունը դարձավ անհնար: Ջնյունահայ մասոնությունը թեև գործեց ընդամենը 30 տարի, սակայն նկատելի հետք թողեց հայ համայնքի հասարակական, քաղաքական, մշակութային և կրթական կյանքում: Նրանք ձգտում էին հայության մեջ սերմանել համերաշխություն, մարդկային և ազգային բարի զգացմունքներ, վերացնել ստրկամտությունը, տարածել եվրոպական լուսավորության, առաջընթացի և բարեփոխումների գաղափարը: Ջնյունայի ազատ որմնադիրները չնայած գերագնահատում էին բարոյագիտական գաղափարների ուժը, և այս առումով զերծ չմնացին օսմանյան իրականության գաղջ մթնոլորտը փոխելու, հանրային հոռի բարքերը վերացնելու որոշակի պատրանքներից, այնուամենայնիվ հավատարիմ մնացին մասոնական գաղափարախոսության սկզբունքներին և «ազատություն, հավասարություն, եղբայրություն» նշանաբանին:

¹ Տե՛ս «Հայրենիք», 1955, փետրվար, թիվ 2, էջ 81:

² Նույն տեղում:

³ Տե՛ս «Կեանք եւ Արուեստ», 1935, էջ 73, «Հայրենիք», 1955, փետրվար, թիվ 2, էջ 81, Պէյլերեան Ա., նշվ. աշխ., էջ 162:

⁴ Տե՛ս «Կեանք եւ Արուեստ», 1935, էջ 75, «Հայրենիք», 1955, ապրիլ, թիվ 4, էջ 101, Պէյլերեան Ա., նշվ. աշխ., էջ 171-172, Jamgocyan O., նշվ. աշխ., էջ 107:

⁵ Տե՛ս Arminius W., Personal Recollections of Abdulhamid and his court, Nineteenth Century, London, 1909, p. XVII

⁶ Տե՛ս Luke sir Harry, The Making of Modern Turkey. From Bizantium to Angora, London, 1936, p. 123.

⁷ Տե՛ս Макколь М., Ответственность Англии перед Арменией. Положение армян в Турции до вмешательства держав в 1895 году, Москва, 1896, с. 158.

⁸ Աբդուլ Համիդին «կարմիր սուլթան» առաջին անգամ անվանել է ֆրանսիացի պատմաբան Ալբեր Վանդալը 1897 թ. փետրվարի 2-ին, Փարիզի Աշխարհագրական ընկերությունում կարդացած հրապարակային դասախոսության ժամանակ: Տե՛ս Ալբեր Վանդալ, Հայերը և բարենորոգումները Թուրքիայում: Առաջաբանը և ֆրանսերենից թարգմ. Կ. Պողոսյանի, Ե., 2001, էջ 4:

⁹ Տե՛ս «Հայոց պատմություն», հ. III, գիրք առաջին, Ե., 2010, էջ 542:

Феликс Мовсисян, МАСОНСТВО СРЕДИ АРМЯН СМИРНЫ В XIX ВЕКЕ. Первые контакты армян, проживающих на территории Османской империи, с масонством имеют довольно давнюю историю и относятся к первой половине 18 века. Согласно майской публикации в лондонской газете «Saint Jame's Evening Port» от 1738 г., масонские ложи в Смирне были открыты раньше, чем в Константинополе. В феврале 1748 г. в Смирне английскими негодантами, распространявшими масонские идеи среди христианского населения, была создана масонская ложа.

В период второго этапа Танзимата в Турции открылись новые перспективы для распространения масонских идей и создания лож. Предоставленными Танзиматом возможностями первыми воспользовались армяне, которые начали расчищать дорогу для достижения своих национальных, общественных и религиозных целей. Одним из их шагов в этом направлении стало создание масонских лож в Смирне. В ноябре 1859 г. при участии видного западноармянского масона Серовбе Азнавура была открыта англоязычная ложа № 806 «Гомер». Через два года С. Азнавур стал Великим Надзирателем этой ложи. В марте 1861 г. была открыта ложа № 896 «Победа» («La Victorie»), основателями которой были члены ложи «Гомер». В 1860-ые гг. армяне Смирны вступали в ряды лож № 952 «Святой Иоанн» («Saint John's»), № 1015 «Святой Георгий» («Saint George's») и «Сион» («Sion»).

27 апреля 1864 г. в Смирне при непосредственном участии С. Азнавура была основана первая в истории армянского масонства армяноязычная ложа № 1014 «Тигран». В эту ложу вступали многие пионеры интеллектуального возрождения из числа армян Смирны, среди них: известные редакторы-публицисты Матеос Мамурян, Григор Чилинкирян, Гукас Палтазарян, переводчик Месроп Нупарян, знаменитые актеры Степан Экшян, Саркис Ванандеци. Крупными деятелями ложи «Тигран» были также владельцы типографии и издатели братья Тетейны, предприниматели Тиран и Мкртич Экизяны, Карапет Арапян и многие другие известные врачи, адвокаты и коммерсанты. В истории армянского масонства ложа «Тигран» просуществовала дольше всех: она действовала 30 лет и была закрыта в период правления султана Абдул-Гамида II, который начал проводить политику массового истребления западноармянского населения.

Ключевые слова: масонство, Смирна, реформы, Танзимат, «Гомер», «Тигран», ложа, национальный деятель, публицист, интеллигент, негодант.

Feliks Movsisyan, ARMENIAN MASONRY IN SMYRNA IN THE XIX CENTURY. The first links of the Armenians living in the Ottoman Empire with masons have quite a long history and refer to the first half of the 18th century. According to May edition of London newspaper "Saint Jame's Evening Port" in 1738, Masonic lodges were set up in Smyrna earlier than in Constantinople. In February 1748, the English merchants set up a lodge in Smyrna to spread the idea of masonry among Christians.

The second phase of the Tanzimat opened new perspectives for spreading the ideas of masonry in Turkey and creating lodgings. Armenians were the first to make use of the advantages provided by the Tanzimat for paving the way for their national, social and religious affairs.

One of their steps in that direction was the creation of Masonic lodges in Smyrna. In November 1859, "Homer", the English-speaking house No. 806, was established with the participation of the prominent Armenian mason, Serovbe Aznavour. Two years later, Aznavour became the Great Controller of the Lodge. In March 1861, the House No. 896 "Victory" ("La Victorie") was founded, the founders of which were members of "Homer"

Lodge. In the 1860s, the Armenians of Smyrna joined lodges "Saint John's" No. 952, "St. George's" No. 1015, and "Zion (Sion)".

On April 27, 1864 in Smyrna, by the direct initiative of S. Aznavour the first Armenian speaking lodge No. 1014 "Tigran" was founded in the history of Armenian masonry. Many Armenian intellectuals joined the lodge, among them famous editors-publishers Matteos Mamuryan, Grigor Chilinkiryan, Ghukas Paltazaryan, translator Mesrop Nuparyan, famous actors Stepan Ekshyan and Sargis Vanandetsi. Among the prominent figures of lodge "Tigran" were publishers Teteyan brothers, businessmen Tiran and Mkrtych Eskiyans, Karapet Arapian, as well as well-known doctors, lawyers and merchants. In the history of Armenian masonry "Tigran" Lodge is the longest-living lodge, which functioned for 30 years and was closed because of the massacres of the Western Armenians carried out by Sultan Abdul Hamid II.

Key words: masonry, Smyrna, a reform, "Homer", "Tigran", a Lodge, a national figure, a publicist, an intellectual, a merchant.